

本期主持：Chen

“ 北朝诗第二弹：乐府民歌拉歌大会 ”

题图：南宋 李唐 晋文公复国图 绢本（局部）

---

## 01

### 企喻歌辞

四首其一

男儿欲作健，结伴不须多。  
鸛子经天飞，群雀两向波。

## 02

### 琅玕王歌辞

四首其一

新买五尺刀，悬著中梁柱。  
一日三摩娑，剧于十五女。  
琅琊复琅琊，琅琊大道王。  
阳春二三月，单衫绣裯裆。

## 03

### 慕容垂歌辞

三首其一、其二

慕容攀墙视，吴军无边岸。  
我身分自当，枉杀墙外汉。  
慕容愁愤愤，烧香作佛会。  
愿作墙里燕，高飞出墙外。

## 04

## 幽州马客吟歌辞

### 五首其三

南山自言高，只与北山齐。  
女儿自言好，故入郎君怀。

## 子夜歌

### 四十二首其一、其二

落日出前门，瞻瞩见子度。  
冶容多姿鬓，芳香已盈路。  
芳是香所为，冶容不敢当。  
天不夺人愿，故使侬见郎。

## 05

## 地驱乐歌

明月光光星欲坠。  
欲来不来早与我。

## 子夜歌

### 四十二首其三十三

夜长不得眠，明月何灼灼。  
想闻欢唤声，虚应空中诺。

## 06

## 折杨柳歌辞

### 五首其一、其二

上马不捉鞭，反折杨柳枝。  
蹀座吹长笛，愁杀行客儿。  
腹中愁不乐，愿作郎马鞭。  
出入擐郎臂，蹀座郎膝边。

那呵滩

六首其四、其五

闻欢下扬州，相送江津弯。  
愿得篙櫓折，交郎到头还。  
篙折当更觅，櫓折当更安。  
各自是官人，那得到头还。

## 07

幽州马客吟歌辞

五首其二

荧荧帐中烛，烛灭不久停。  
盛时不作乐，春花一重生。

前溪歌

七首其五

黄葛结蒙笼，生在洛溪边。  
花落逐水去，何当顺流还？  
还亦不复鲜。

## 08

慕容家自鲁企由谷歌

郎在十重楼，女在九重阁。  
郎非黄鹄子，那得云中雀？

钱塘苏小歌

妾乘油壁车，郎骑青骢马。  
何处结同心？西陵松柏下。

紫骝马歌辞

五首其二

高高山头树，风吹叶落去。  
一去数千里，何当还故处。

子夜四时歌·冬歌

十七首其六

昔别春草绿，今还墀雪盈。  
谁知相思老，玄鬓白发生。

---

Reference

《乐府诗集》《玉台新咏》

编辑：Chen    排版：Lulu